

中國東方文化研究會歷史文化分會策劃
四庫全書存目叢書補編纂委員會編纂
北京愛如生文化交流責任有限公司贊刻

齊魯書社出版

四庫全書存目叢書補編

第九冊

補編第九冊目次

江湖閒吟八卷

〔清〕王道撰
清華大學圖書館藏清乾隆十二年學詩堂刻本

在亭叢藥十二卷詠歸亭詩鈔八卷

〔清〕李果撰
北京圖書館藏清乾隆刻本

質園詩集三十二卷

〔清〕商盤撰
清華大學圖書館藏清乾隆刻本

..... 一

..... 一五〇

..... 三九九

江湖閒吟八卷

〔清〕王道撰

清華大學圖書館藏清乾隆十二年學詩堂

刻本

附《四庫全書總目·江湖閒吟

八卷》提要

序

前明閩中詩派國初開於林子羽鴻時高彥恢標
王安中恭王孟揚偶藍靜之仁兄弟共爲羽翼其
音安和穩順追步唐人後曹能始學徐惟和煥
起而紹承之別於當時野體鄙體而鯨魚碧海巨
刃摩天之概未敢任焉中間惟鄭繼之善夫欲別
開面目然學杜而得其皮毛志趣有餘神理不足
論閩中詩者猶有望於繼起之人也王子直夫以
詩鳴於漳浦不背前人不摹前人脫口而出旁皇
鴻肆凡天下事理物情之所有者取而一一見之
於詩蓋本乎姿性之高明以爲其質探乎典冊之
奧博以老其學歷乎境遇之常變夷險以堅其識
而後以無所不可之才達之大可籠萬有小可析
秋毫金銀鉛銅鎔之皆成器也正聲么絃調之皆
成樂也昔人以白樂天詩蘇子瞻文能說盡古今
道理雖有語病初不害爲大家直夫之詩亦若是
焉而已直夫困於場屋垂老以教習敘勞半金山
鯁直去官倚寓涇涇其窘窮之况幾與少陵之拾

橡栗劇黃精相似讀其述懷七哀有會而作等篇
君子傷之不知天之嗇其遇正以昌其詩而世之
履豐席盛享庸庸之福者必不能與直夫爭可久
之名也直夫將歸閩中作序遺之兒子羽善夫諸
人而後別有詩之一途即不敢謂直夫之詩遠勝
於子羽善夫兩家然兩家之外拔戟自成一隊者
直夫足以當之矣直夫行矣風雪南征歸途萬里
老年著述所造彌高子雲而後必有知子雲者
乾隆丁卯冬月長洲弟沈德潛題於夷白齋

序

二

序

漳浦王子直夫負重名繇教習敘勞出宰金山縣
俄罷僑洙涇日吟哦寫其小雅離騷之心以當絲
竹荒江廢圃雜於樞謳樵唱賞音無人則遙慕黃
子爲鍾期蔡邕也者邇新集千篇而寓書以告同
道少孤誦先人遺書邑侯四明陳公授列朝詩則
嗜崆峒學使歸安沈公授唐宋四家則嗜摩詰放
翁旣乃縱觀古今求所謂高渾古淡卓犖自然者
久而無獲惟雕鏤藻績不設於心時同硯蔡梁村
侍郎藍鹿洲太守治古文筆墨磨礪共探制作二
君序道鹿臯集詳之矣及遊京師名場俠窟聲華
相競類多酬應之作故所存絕少有京華稿高安
朱相國錢塘沈總憲爲之序自是作吏江南簿書
間之期會迫之誚誤及之彈劾隨之而我歌且謠
不以患難廢此江湖閒吟所爲作也或曰其江湖
而有魏闕之思歟或曰洙涇者左申江而右柳湖
也瓦礫堆中偶墜珠璣淘之汰之庶幾有之昔左
太冲所學未及班馬揚雄而三都賦至今傳者元

序

一

晏序之也先生豈無意乎黃子受其詩讀竟而序
之曰潮州退之海外子瞻江湖直夫厥詩配焉高
渾卓犖孰如其所自言爰述書辭以冠簡端乾隆
六年春華亭黃之雋頓首撰

序

二

江湖閒吟卷一

漳浦王

道直

五言古體詩

感遇

鴻鵠志四海一舉凌九霄上有風雲知不顧風雨搖丈
夫處世間盛衰各一朝昔爲富人趨今爲俗子嘲嘲趨
如蠅聲我意自飄飄

庖丁善解牛在手不在刀鵬鵬淬昆吾缺折同一號丈
夫在世間利鈍隨所遭柔茹剛則吐流俗非人豪不茹
亦不吐置身千仞高

應事詩集

卷一

一

門有車馬趨路人爭嘆息明朝不再來誰得又誰失丈
夫當世途貴賤啓知識媚者傷我刀譽者砍我賊時勢
苟不存恩怨無終極

采蕭在深秋采艾亦秋月相思不相見愛此心如結丈
夫與世交所守惟專一食粥常苦飢衣褐常苦澀富貴
不可求亦有逼人日

寄友

青苔滑塔除白石雨中綠經旬不下堂良恐傷我足足
傷猶可瘳遺體詎堪辱北風何淒淒新霜被華屋下有
萬仞氷行行須局促憂心而離居閉戶守空谷

青蠅附驥尾逐逐隨鞭鐙特立去人羣昨援豈天性不
夷不惠間強顏挺孤勁如以松柏姿橫縱桃李徑枝葉
非不繁俯仰成疾病知止有良模再拜辭趙孟
日出扶桑東月入崑崙西一日復一月百歲寧久稽人
言交可易亦復易厥妻富貴汝何物遂令大道迷不見
遺簪女中途哭慘悽遺簪不足惜故舊一時睽凡百君
子心至老母分哇

採藥北山岑山深丹竈冷不遇燒丹人更無鉛汞影簾
鶴謝人間春秋邇不永蒸蒸草木華何能延暮景飲食
適天和清虛自心領修短本在天終當發猛省

鹿臯詩集

卷一

二

夢筆

非花又非橡精彩更無匹遺我彼何人姓名不肯述疑
是白香山詩成愈真率又疑陸放翁蛟蚪戰白日年少
客相投垂老力已失子固無所欣尊亦不遑恤恒恐墜
浮名翻為身世桎有如杜拾遺徒矜漸細律命達文章
憎何用取三黜

晒朝衣

篋笥付子虛朝衣未惟悴經年不章身猶藏一命貴昨
宵吐光芒隱見雲龍氣曾從殿上來應抱此靈異開緘
就炎熾沐日宮錦麗雖非對至尊亦復存名器冬深莫

禦寒客來宜引避留贈謝東山蒼生供俾睨

嘆交

久要貴不忘千古有朋友無恒至二三割席當速朽利
劬在腰間黃金緊肘後見金却遺劬心跡焉可割我有
青銅鏡無分妍與醜照面又照心令人堅所守今日
良會災鷺可君口君心如轉移勿飲口中酒

兒輩買韻

強解理新律真搜探古風雖為吾家事毋乃欲速窮熟
精文選理於道未為通經訓乃蓄畬衆流自朝宗吾老
諸業廢念此心猶蓬故人貽我鏡

鹿臯詩集

卷一

三

途中見被刑者

肢體本親生所貴不虧辱之子有何辜被此木刑桎
梏不能言詢非命盜族口舌忤長官手足遭敲扑我聞
亟回頭輾轉亂心曲想當上堂時曾否蹈此毒王政重
祥刑不在強摘伏金矢與肺石牖民從其樸或以示
鞭笞災赦之屬若憑喜怒為武健更嚴酷往者不可追
來者寧可贖階前皆赤子命官司民牧不顧父母名不
念一家哭戕人還自傷重譴豈不速于公大門閭至今
留芳躅寄語諸同人才氣非治獄

鼓聲

鼓聲自何處縣治在西南縣官方坐堂伐鼓衆謠聞
之猶悚息思痛尚懷慙此地關民社首重能與廉子羔
及尹何聖賢爲未諳我但求無媿其如七不堪飛鳥驚
曲木短髮避華簪採山兼釣水雙肩弛荷擔

遺愁

愁自眉頭生拔眉愁未絕眉睫在眼前不能見愁穴時
來欲問心觸緒愁更烈因觀未發初萬象本融結人生
如大夢先覺屬賢哲動靜方自知哀樂皆中節杞人空
有憂望天惱不徹天人相與間升降通氣血水火不須

鹿車詩集

卷一

四

求莫使傷內熱

蝶蟻

孰云汝無目能知雨與王孰云汝無鼻能知臭與香有
龍降中野腥聞江海鄉汝率醜類往蠕蠕試一嘗雖無
制神力亦已不自量忽遇穿山甲鐵甲故開張汝視如
龍偃入甲爭踉蹌掩羣在須臾毋能死不僵迺知宵小
輩安分宜歛藏稍敢肆奸猾顛路失其疆卽看蝶蟻智
有慾無衷腸

刀

淮陰好佩劍嘗遭市少辱仗劍成王侯市少徒以目客

從北方來遺我刀切玉開匣拭寒光微塵點青綠何處
覓華陰取土資磨濯臨河截水流望嶽礪流俗耿耿見
精華秉直去邪曲仇吾不敢忘德吾不敢僂先師有遺
訓厥報從其屬

鳴鳩

朝鳴桑樹顛暮鳴桑樹枝七子分榛梅鳴鳩常不移去
桑自翱翔羣雛能不悲丈夫背鄉井瑣尾見流離坐席
不得安遑問孫與兒有酒難爲酌有米難爲炊矧乃無
米酒江干獨宿時菰蒲長新葉楊柳媚幽姿熙熙乘大
化樂子真無知人生非草木徒爲禽鳥啞撫膺長太息

鹿車詩集

卷一

五

聚首在何期

白頭翁來巢

入林苦不深偏來傍籬舍翁老智故多知我忘機者連
生四五子安巢梅樹下朝出喧我簷暮歸啄我瓦解翁
意在雛保護寧有假兒童禁粘藕黃口自瀟灑東西南
北人在家日已寡汝雛羽翼齊遠舉亟謀野毋若狐鼠
儔詭譎憑城社安爲善所遺禍乃迷所惹非我吝此邦
不與度春夏方借一枝棲何鄉有廣廈

塔鈴

微風發細響風疾反無聲器小難爲受稱量物之情

圖三十級一級三百鈴時於烈風裏啞口懸厥形縱有
錚錚韻天不假善鳴譬彼蚯蚓寂叫嘯如蒼蠅殷殷雷
出地萬物咸震驚天地有大用可以達吾生

題舟子

小港容一舟小舟容一人隨湖波上下長竿拂游鱗大
魚欲吞舟亟避返江濱小魚二三寸盈筐給米薪官租
不及歛力役不及均沽酒聽漁歌疑是上皇民三十向
不娶四十尚不臣傲然天地老浩蕩全其真前船震笳
鼓後船燕嘉賓風濤不戒備翻覆迺淪莫言拙用大
好大豈足珍

鹿耳詩集

卷一

太

感舊

北有甘露亭南有文昌閣觀海一登臨海水連天薄日
出扶桑東紅輪耀城郭天雞幾度鳴城頭猶擊柝遊子
早出門但道雲遊樂行李滯天涯光陰如捲簾愁來思
故鄉客心渺何託風景縱不殊故交已零落寧作水上
鷗不羨雲中鶴倦翮不能還回首徒愧忤

謝漁媼

潮來卽扣門攜筐兼買柳不計青銅錢但可父母口念
爾水中居拮据蓬其首魚蝦能幾何入市資升斗屢就
滋不寧付值爾反走大義雖已明仁心我絀否煌煌大

江南氣節無不有漁媼亦人豪足破怪吝醜受施常畏
人聞聲生愧怍夏日常長齋瓜瓠雜新藕不復近腥膻
盤盂離當筵佳話自今茲他年應不朽

聞蟬

何爲抱不平三問不能語清自畏人知伊誰不知汝葉
下固深藏零露豈給茹疑是腹中飢哀號度殘暑思
動聞愁幽人嘆羈旅感觸起徘徊繁急靡端緒嘆汝已
無從阻汝不可禦同調枉相憐臨風徒延佇

夢

心漫不遑寐蟋蟀益相親倦據烏皮几入夢如有神是

鹿耳詩集

卷一

七

龍不見角爲蛇具爪鱗忽焉拔宅去其性固難馴前荷
長年老借問當識真指此乃靈物見之有夙因覺來不
自解遇怪大江濱地用莫如馬往者不須論

促織

善鳴雜清砧好關亦相促懶婦耳不聞游民樂徵逐紅
千寒氣先七月已移族在宇仍近床節候催更速我昔
重勸農乘時呼警覺不率戒於庭盡驅事杼軸游民聞蟋蟀其
於賄子厲禁之欲以魏唐風易此吳越俗怙終固難悛
頽波曷能穀邦人不顧名好樂咎民牧牧去當無辭生
計日不足

雜感

良臣不去國佳女不再醮去國非不榮再醮亦有耀所
惜心跡乖留爲後世笑賢君擇好臣丈夫匹窮窶苟合
終易離不合付長嘯寧以醜拙老勿以紛華少古鏡屬
斯言人人亟自照

騏驎旣終衰強弩亦有末衰者莫騰驤末者怯遠發及
時貴有爲乘勢當振拔一朝舍我去牽挽手難奪駑馬
紛前趨竹箭爭自脫世人不識真目前快利達棄置勿
復云旁觀哭欲絕

張樂洞庭野壘者無所聞施采五都市賸者不爲文世
人皆懊惱兩翁方快欣廣樂雖不覺慢罵徒紛紛文采

鹿臺詩集

卷一

八

雖不見妍媸更無分聰爲伐性斧明爲斲命斤讀碑賦
燕泥前車一轍均世稱小人族天爲君子羣殘疾寧有
損支離何足云

白馬從南來青驄自西去長安十載交不得並鑣轡風
昔同舍敦今茲疆域異一龍又一猪豈第別軒軒轡刀
薦廟堂鉛刀陳市肆利鈍固不侔貴賤殊位置人生視
所遭有如組上器陳平亦人豪屠隱有真意

悲秋讀楚詞字與秋風冷君非不忍言懷忠挺孤梗當
年詔令嘉亦如構机等豈及天問篇精華開宋景失意

有文章垂爲奸佞傲皇天哀奇窮錫此龍文鼎舉世莫
能扛風騷手自秉我欲招其魂爾泉薦秋茗微言不棄
捐助予常猛省

卧雲四十載歲時生光輝忽接弓車貴遂令心事非悠
悠太行道行人多輕肥前有猛虎蹲後有蝮蛇圍馬瘡
僕亦痛何以供指揮決往無生理君命不可違徘徊岐
路間惘不知所歸或云君命召毒物爲害稀但以誌戒
心非關生死機本爲翹翹出生死計亦微行藏不自寶
徒貽後世譏

疾病常畏死日求天地憐長跪訴平生大節固有愆此

鹿臺詩集

卷一

九

子何蒙昧自欺爲大言修身得不死世上無神僊人生
如大夢覺來有後先智愚雖有分修短無所偏誰人少
疾病服藥有微權求汗或弗得華扁應舍旃先師垂遺
訓久禱不欺天

秋旻視益高青冥微纖翳氣象使之然清寧詎有異清
寧在我心乃有平旦氣禽獸去人羣盜跖不爲利此心
與天遊虛靈原不二至人葆其真動靜如天地懂懂物
往來指揮澄萬彙野馬與塵埃自升還自墜

麟鳳在郊藪不食亦不飢靈物非有求時人自知稀玉
者契其德至治見芳椒賢達出巖岫賞罰公是非官中

秦雲門和鳴磬聲依麟向閭苑去鳳從丹穴歸萬物皆得所四海有光輝

怯膽畏邪祟白日慄且寒此身入鬼市惶惑固無端有如好讒謗歡娛裁禍言一朝謫在已哭涕泫瀾君子秉特操死亡惟所安盜金與盜嫂何如孝婦寃但能不愛懼天地一心寬

眼前見容華渺不見肝膽容華多誤人肝膽方勇敢青松栢林不發蔕與莢但覺風日舒寧知霜雪慘世人味蔗漿梗澁賤橄欖甘脆一時歡終身味寧淡達者洞其源蹙頰嗜昌歌

鹿臯詩集

卷一

十

朝赴于門會旨酒變辛酸非惟不樂飲舉杯益愁顏座中三十人強半客衣單秋霜被百草何物不摧殘浮名束壯士福少禍爲繁華簪滅汝頂厚髻爛汝肝故鄉千萬里父子不能團人言常見機見機良獨難少年愛結客椎牛餉酒徒酒竭客亦散急難枉招呼好客豈易致夷門朱亥屠公丁注長跪折節爲前趨一出袖中椎恥辱歸虛無義以壯士膽恩以激士軀莫言無知已桑下有餓夫

口穢人皆覺耳鳴獨自知不逢岐伯鍼隱疾誰能醫譽言常苦入毀言常苦悲不悲與不入守護是吾師越客

冠蟬冕混沌飾蛾眉面目俱成假取病徒爾爲痿猶不忘起盲亦不忘窺廢物尚思用有如敗鼓皮炎神真補天萬古荷隆施

涓涓山上泉濯濯海中山遙遙通一氣乾坤爲大閑神龍所窟宅天矯去來蟠開口嘘白雲奮爪白雲端舉世無相識知者惟鳳鸞鳳鸞翼不可附龍鱗詎可攀幽人守邱壑恒覺考槃寬山河大自在人生當苟安

君騎紫駟馬僂僂白鼻騮物色既殊異頭銜各有階口食太倉粟秦越皆吾儕肥瘠雖不一黽勉貴和諧如何同舍郎恩怨一朝乖前車遭下石後車復擠排自非經

鹿臯詩集

卷一

十一

百折能不困重霾沉吟谷風詩痛哉置於懷巨鼇浮滄溟非山又非石斧鑿無所加雷霆不能劈綿亘極天長不見尾與額小舟那肯吞時或艤商舶徙運乍翻騰波濤埋估客恃大徒冥頑往往爲物賊河鯉上龍門其大僅尋尺頭角一時新風雲爲羽翼每向海中吟百靈皆悅懌巨鼇廁其間龐然得無啞灼灼芙蓉花有客寄一枝長江道路遠顏色半葳蕤顏色縱衰謝芳心詎轉移花藏溫玉匣枝植華清池朝朝發新葉白露媚幽姿來秋當爛熳誰謂子無知回頭江上望伊人在永湄投桃終有報慰此長相思

兕乃虎之族豺爲狼之儔獨出爲物擾並行爲民憂猛
威或相關散處終非仇伊昔重華帝嘗與鹿豕遊忘機
兼遠害有如狎野鷗熊羆蹲其足獬豸揚其頭聞韶皆
率舞百獸同優游熙熙壽域人物自春秋

驅車泰安州四度乘昏曉翹首瞻岱宗壁立浮雲表未
遑登其顛焉知天下小古來封禪基其跡亦縹緲七十
有二君山靈應皎皎欲上東封書敢先茂陵草四裔皆
嚮風八荒樂熙皞功德固難名豈在盛文藻天門長紫
芝采之可娛老

牛關縮其尾虎吸伸其舌牧豎與樵夫所見甚昭微外
鹿耳詩集 卷一 三

人焉得知耳食第剿竊問喘旣有人陰陽宜中節殿上
亦有威邪佞亦已絕感物著徽猷平治屬賢哲水火各
分司居者惟就列日日食太倉豈徒取容悅樵牧方笑
人巖廊非養拙

依依山上喬采采中原菽誰家好男兒教誨不式穀盛
衰或有時世系亦難續今之皂隸行昔爲樂郤族皂隸
當可爲在官豈無祿尹姑舊衣冠一朝猶可復達人善
持盈名乃身後福置身廉讓間則賢踵遺躅

河邊長飲河漢旁但吸漢清濁無所分同流方自見人
言當嚼水穢惡莫如炭清濁俱堅冰河漢如一貫棄炭

在冰中服之腸未爛所以至人心觀海發長嘆細大何
不容噉噉反零亂

崇朝天無雲亭午西風雨一日半陰晴彼蒼應有主螻
蟻常出封鳴禽曬其羽萬物各得時乘化自終古吾生
亦有涯可樂莫愁苦朝朝數米炊不足無所補日日備
春糧有餘不須吐但當闔戶牢不取下民侮何必問祁
寒怨咨輕喜怒

昔爲秀才時自許如琬琰聲價日以遙浮華不稍斂自
任學希文狂懷慕曾點日月忽已馳言行猶不掩終非
席上珍投老有瑕玷雖磨尚可爲已覺所生忝造物鑄
鹿耳詩集 卷一 三

羣生豪者落坎窞時去勢亦移和舒變愁慘知非惜已
遲人世又何憾

長安十載遊交盡天下十綰紵無所投常恐門戶起文
學不乏人望古不勝指轅固與中培好學立風軌相如
及王褒爲文亦華美惜無董江都授受天人理糟粕非
可欣詞賦非可喜於道渺無聞有愧昌黎子

怯影不就除好交又孰客出入多憂虞何事自取疾怯
是膽所爲好乃情所近一身不能持況涉三軍陣一人
不接歡矧乃歷秦晉孤疑實敗謀蹇舊何由振不見張
子房破產令名震翩然脫虎狼終與赤松親至今垂英

風圯橋日登峻

官以宦成頹病從少愈劇先民爲此言其理亦昭灼有
淺猶不知病深受束縛風日俱成仇陰陽憑作惡三夏
衣匪單初秋裘已薄何曾藥可瘳但覺喉乾虐人生窮
達模用壯可揮霍留此龍鍾軀枉爲乾死馮唐白首
耶雖老未落魄

室思

依依楊柳條隨風渡江水隔岸是郎家不得傍階把鷄
鳴江水生月落江水死看月復聞鷄盈盈千萬里昨夜
見敝人新綃逾錦綺買綃爲上襦欲充君子體何時得
鹿臺詩集 卷一 古

見郎憂心急如矢淚下如迸珠敝人不忍視誠素托微
波願言合兩美

金山人屬南珍書黨籍碑

籍甚碑中名輝煌史上一烈當年寫碑人千載有遺孽高
掛草堂前雷霆劈冰雪彷彿不忍觀敬恭對賢哲山人
亦好事屬書篆巨碣祇恐鬼神知安民慄不徹夜夜吐
光芒精靈不終絕行當寶壓函縮筆兼捫舌

寄舊

顏色下霜露當秋念益悲低徊思舊賦感憤七哀詩出
處固殊轍飄搖寄一枝高飛不擇木遂爲弋者欺回首

憶儔侶羽翼故差池在山蘊德輝還山杳無期西風掠
歸鴈天遠附書遲朝來減一餐暮至蹙雙眉日月從茲
老之子安得知

吳學博招看秋色

伏生授經處四座生光輝秋草呈五色書帶紛相依如
遊錦繡場不張霜雪威豐顏皆渥赭麗景薄輕肥相對
却忘老會心欲忘歸君當勵抑戒子亦化知非晚節從
所尚莫謂知者稀

屋漏

天地爲穹廬四嶽爲几案沐浴日月中騰身跨汗漫有
鹿臺詩集 卷一 古

似御風行自覺冷然善胡爲局一方觸此當世患風雨
所飄搖颯運苦鳴鶴滴滴到繩床瀕洞成河漢欲以一
木支碎瓦紛凌亂如何脫艱虞不就鑪錘鍛手握北斗
杓足躡六韞面哀號微九閭通辭藉雷電贏得天帝憐
起我於塗炭

室思

誰謂君棄我錦字遠相將誰謂我不思玉匣深闕藏時
來憶芳徽拂綃掛中堂見字如見君再拜起傍徨我有
四愁曲夙昔達君傍願承君子歡下筆誠恐惶君能惠
我私願盼生輝光先民亦有言久要貴不忘仰看明月

遲令德終播揚

晒書

紅日半牕明陳編簷下颺飛雨簾西風往來不及障白蟬亂浮沉牙籤紛蕩漾不論史與經復復如覆醬嗟予當流離聖賢亦遭創不入鄴侯家偏依不繫舫汎愛枉追隨漂泊五湖漲醉汝酒一盃福我致卿相用汝治平規躋我廟廊上不然靡所歸當從汲冢葬五十九年非活埋同汝壙

解龜

清晨看海塘大龜向我泣淚下不成珠但見塘土濕

鹿阜詩集

卷一

六

放乘潮迴詰朝旋復入窮黎爭解之刀錐一時集爪甲若雲飛頭顱眾競執白肉如雪紛紛割徧城邑爾本水中靈易為不自戕猛虎下山岡居人羣岌岌爾烹鼎鑊間猶欲指其汁貨貝叢爾身如何不共拾枯魚毋過河戒之悔莫及

采蓮

采蓮湖水東蓮房大如斧食子棄其心共說蓮心苦我心卽蓮心其甘如馬乳念爾水中生潔不染泥土受土皆作甘爾獨黃連伍水陸有同情至味契肝腑毋爲世所吞寧爲世所吐心苦殆有憂食之良有補

遣興

形骸與世違鈍根如頑鐵廢棄固所甘愛憎起媒棄置之太冶間鍛鍊日益烈精粗無所呈形骸漸銷削古稱歐冶子匠石同明哲朽樸猶弗戕頑鐵何勞藝詎以百鍊剛出自鐵中血苦辛寧敢辭爲器表奇節恐作屠龍刀技成用亦絕自處苟不高進退皆爲孽

乞竹

高構盡成陰叢棘紛滿目却憶坐幽篁不到簷簷谷路出竹竿圓風聲擊寒玉移情入耳根乞得淇園葉問訊報平安初栽宜顧復朝暾藉暄妍秋霖常沐浴明春遂

鹿阜詩集

卷一

七

爲林猗猗期在速漫作主人翁不問知舊牧來看莫折枝一斷不可續或釣嚴溪魚絲綰有芳躅或爲公堂筍傷我百姓肉此物本無心出世任榮辱鴉萃從叫號鳳來邀止宿有子如琅玕直作豐年粟慰我離索懷庶免窮途哭追隨有夙緣子猷實吾族

日華

日華開五色照耀彌天涯四海挹光輝浮雲不能遮浮雲常蔽日反走避天葩世人愛嘉瑞芝草挺瑤花本爲地靈出一見止驚呀金烏展六翮非暈又非霞雕龍與炙數行也窮齒牙大聲呼屈宋騷賦亦難誇欲問江都

相奇異何以加當云書所載帝德頌重華

舊興

朝衫不在笥象笏亦去手豈敢故辭榮官職獨難守涯
千久滯淫倏忽成老叟一杖凌崎嶇安行不遑走爲郎
未幾時非從大夫後階前見舊興蒙戎垢且醜拭拂往
時塵有如露衿肘敝帷當可焚一馬已無有敝蓋莫棄
捐家尚餘一狗彘式類勞薪炊爨漫餬口決裂無復完
何堪易升斗世人欲求售拙於用大否無力致千金聊
享此敝帚

夜春

鹿臯詩集

卷一

六

舍南千斯倉舍北萬斯杵秋風遞杵聲遙聞兒女語新
月隱林梢孤鴈叫洲渚母乃稻梁謀感時急呼侶年豐
物情舒滯穗棄如許橫縱不拾遺富及雀與鼠朝來有
酒沽暮來無酒消夜夜理新糧羣火明若炬村居樂事
多相忘在逆旅

漫興

撫事又微吟如破止酒戒陶然醉復醒始識飲時快家
在白雲鄉身依黃浦界泛泛類浮槎風濤壯行邁不知
謂我驕心憂天地臨歌謠幸具真飄零猶未懈秋來風
雨多薪貴莫償債檢點代瓶牒叫號孺子怪飢寒皆此

編不直一稊稗窮愁漫著書愁深何處買

五兒入學

種竹看凌雲栽桐欲戾日東園樂事饒新題費紙筆稚
子騎馬來不覓梨與栗強解拜堂前歡欣揭書帙鏗鏘
三字經崇朝授一一學古得其華播穫看獲實念茲邇
歲年何時方有述吾老嗜讀書竊取詩禮術經訓乃苗
畬精勤致習吉天運不我艱克家從此出

責夢

失足入朱門不顧冰山涸夜夜夢中遊羣公如有約平
生澹泊心乃爲富貴縛耻至辱亦隨榮華詎可托甚矣

鹿臯詩集

卷一

九

覺吾衰今是非在昨

憐雪雀

依依苦向人未覺乾坤大積雪滿平原無枝得安坐雖
兆十年豐不救今朝餓子餅罄亦頻欲借南箕鑷殘膏
尚可活何事埋頭臥聞之喜應狂躍躍以自賀

友人送糲

昔我濫太倉歲支三百斛縣官不我訶湛恩實優渥不
謂益其間無籍應去祿流落大江南飢餓徒坦腹故人
遺我糲珠翠如露霖不釀玻璃春惟煎蘆服粥糲兒在
門東既飽仍復哭人皆飫膏粱我獨枵半菽鳥雀棄其

餘得食亦慚惡穉兒且莫譁此是豐年福糠粃尚可餐
虛糜何所辱不見依婚姻行野歌采蓮

示南珍南璞

吳簞村云公在難中二
子皆而哭者屢矣故示

自我喪親時淚珠不去眼今我尚生存悲兒識事後迺
聞念我艱痛哭不自遣我躬負聖言篤敬疎黽勉我罪
賴

聖恩肯災幸已免夕死夙所安兒行當益展上以通神
明豈徒門內踐我老無以遺自致萬金產經訓乃苗裔
願言飭揚顯

淮徐流民

鹿阜詩集

卷一

辛

頭上無敝冠足下無完裙去家千百里提挈非兒孫生
者亦他適歿者已離魂人滿天所戒水禍汝何冤縣官
有明詔還定歸田園慎毋棄故鄉家室當可團子囊本
羞置一錢準盡殫指汝北歸路竊附仁者言

自題江湖閒吟圖

形骸非汝有寧論肥與瘠心思非汝有寧計愁與娛不
有將誰屬認此百年軀愁能令人瘦娛則令人腴瘦腴
俱在外愁娛爲之模詩詞本情性內外曾無殊今我其
迷方無知作此圖唐堂有言曰湖州滯韓子海外淹大
蘇鹿阜王氏子乃復佔江湖其風皆肆好其詩展良謨

千古固同軌風流原不孤果爾吾無愧何當見大巫留
以示孫子不忘困三吳

補碗

卓哉顏氏子簞瓢堅不漏豈以竹木姿能勝金石闕缺
憾當補直鑽之力恐後區區任刀錐雖完焉得壽所願
粥與饘有穀宜左右

小銅鯨爲筆架

天然二寸魚陶鑄亦已久頭角傲生成怒目如將吼猶
作掉尾形欲挾風雷走中書毛氏翁好奇無可耦暇則
騎其顛偃息脫人手相倚遂成降立功當不朽玉山俱

鹿阜詩集

卷十

辛

等閒英石易蒙垢偉矣鱗鬣雄伴子呼小友

磁水注

有虞氏尚象良器不苦窳悠悠千百年其制莫可觀茲
注類小缸濶口供納吐位置安不危有足更無取潮來
挹清波墨酣濡厚醺雲烟几上生儼作風騷主豈曰斗
筭才不及蓋與簞古色綠沉沉神光耀栩栩助我戰兢
蚪江干人敢侮留以示孫曾爲渠載圖譜

草書寄南球

負郭久荒蕪石田視古硯或因坐位爭敵以過庭傳
關紙上形實出心中撰茲邦識者稀附和漫稱善歲得

億萬錢取供菰米麪遂使墨猪形江鄉飛片片念汝治
真行未遑辨使轉使轉出孫過庭書評爲學有階程居後不可先
此亦詩禮模兼通乃爲彥望汝非一朝十載無由見題
紙當南金欲題淚如霰

珍兒寄皮衣至

耐寒非一冬雖僵猶骨立念汝滯邊疆飢渴愁駢集開
絨幸苟無不作兒女泣敝裘亦歲蕤萬里遙什襲北風
蕭瑟來禦之需補緝絕勝綌與絺妻其正羞嗟嗟汝膝
下孫盼望久嗚咽何當衣被周解此倒懸急

西星或曰含泉

滄海詩集

卷一

三

西星有奇光白氣指東方長天雖未竟綽有千丈強經
月尚不散莫辨爲災祥日月猶薄蝕雲物亦渺茫先師
不語怪萬事歸綱常自有識緯書見之輒傍徨王者但
修省惠迪致永昌消彼天上祿保此下民康乞言兼異
已古帝視禹湯天人本一氣補救庸何傷

燈檠

老悖廢詩書宦窮絕珠翠蘭膏照熒熒繩床伴假寐昌
黎當賦詩長短初終異我豈異人情居處非其位燈檠
知我深投閒亦得地

賦得振衣千仞岡

衣塵不可曳抖擻藉天風天風隨地有峻潔在高峯登
之造其極衫袖白雲通衆山一何小寰海一何濛俯視
熙穰民來往山海中我亦世間人所處良獨崇上衣既
已獨下衣無所蒙一振自辟易夷惠將無同

賦得濯足萬里流

沐浴在盤中潔身取諸邇既潔又何求局促困厥趾惟
常尋其源流水通萬里清濁無所分滄浪未足擬臨波
寂無風亂流得坎止洗足如洗心安心不洗耳回首謝
巢由亦各致芳軌

山居雜咏

鹿耳詩集

卷一

三

僕本野人少長巖壑雖好雲遊終懷石隱追述
舊歡欣然得句有先後無殊旨也

開畝

膏腴非所求叮嚀力可闢揮鋤趁陰晴爲非常避石平
者種秫杭畸者植菽麥歲暮輸土供春酒樂賓客所願
風雨時暢茂無孟賊山中嵐氣深歸來日未夕

伐木

芄芄成穢墟蕩滌當剪伐許許齊其聲邪邪振林樾大
木可爲梁餘材備楔櫪小木樹雞欄爲薪齊枹櫪自茲
疎密宜山夜露明月瘠土偏易生乘春看萌蘖